

潮連鄉志

盧興原
署檢



藍田呂氏鄉約

德業相勸
過失相規
禮俗相裨
患難相卹

區建公敬錄



藍田鄉約意美法良四大
綱領下有條目朱子嘗修
訂之北京孔教總會以此
為推行孔教之規則吾鄉
盧哀裳茂才嘗與孔教學
院同志為鄉約會鄉志
卷錄此大綱哀公兄之
亦願與鄉人共勉之也

區建公識

中華民國三十五年八月

潮連鄉志

魁金區錫鵬題



明太祖六諭

孝順父母 尊敬長上

和睦鄉里 教訓子孫

各安生理 莫作非為

陳玉堂敬錄

明太祖以六諭頒行天下言簡意賅婦孺皆曉清朝率而行之吾鄉曩時於每歲十月之夜瞽者聯羣以木鐸徇於路齊聲合唱藉以儆衆 玉堂先生錄此吾鄉人苟能實踐之則化行而俗美矣

陳欣甫記

潮連鄉志總目

編輯者 鄉人盧子駿湘父

卷首 編輯者近影

潮連鄉全圖 凡例 自序

卷之一 輿地畧

卷之二 建置畧

卷之三 職官畧

卷之四 選舉畧

卷之五 人物畧


卷之六 藝文畧

卷之七 雜錄

朱九江先生學規

敦	崇	變	檢
行	尚	化	攝
孝	名	氣	威
弟	節	質	儀

潘鷄騰敬錄



湘父家夫子近影

丙戌秋時年七十九


買絲繡平原黃
 金寫范蠡古人
 造像良有深意
 湘父家夫子以
 耆年碩德編輯
 潮連鄉志文獻
 之傳殊堪矜式
 敬將近影弁諸
 簡端以志景仰
 門人盧友生謹誌

王陽明先生客座私祝

但願溫恭直諒之友。來此講學論道。示以孝友謙和之行。德業相勸。過失相規。以教訓我子弟。毋使陷於非僻。不願狂躁惰慢之徒。來此博奕飲酒。長傲飾非。導以驕奢淫蕩之事。誘以貪財黷貨之謀。冥頑無恥。扇惑鼓動。以益我子弟之不肖。嗚呼。由前之說。是謂良士。由後之說。是謂凶人。苟遠良士而近凶人。是謂逆子。戒之戒之。

湘父校長嘗倩朱汝珍太史書此文懸之校中以教弟子。謹錄之以誌師訓。并以告吾鄉之為子弟者。

滬神界全圖



圖例	
○	水原
△	市
□	社
△	學校
△	廟
△	橋
△	山頭
△	渡
△	浦
△	湖
△	道
△	路

區文華哀公繪

潮連鄉圖說

潮連為西江流域之一小島以其宛在水中央而潮汐相連也故謂之潮連連又或作蓮謂其如蓮葉之田田然浮於潮中盧抱經學士題盧氏楹聯所以有光華照耀海中蓮之語也凡地志非圖不明裴秀之方丈圖謝莊之方寸圖雖大小不同而與地志相輔而行其功用則一也此次鄉志編輯而鄉圖無之如蘆鞭如富岡如巷頭大岡芝山三陳氏均各有圖但其他各村尚缺縣志有華萼都圖其中潮連圖則又地名簡略適僑港新會商會有石印新會縣圖為近時測繪者因取其中之潮連圖一角摹仿而放大之陳君壽南欣然為之起草區君袞公加以詳細之描繪且為圖例區君建公書灑卓有時名更以鈔筆繕寫圖說陳君醒樵欣賞之下復捐資製版於是吾鄉之山脈河流坊里廬舍瞭然若指諸掌是皆四君之力也圖既成目識其緣起如此

丙戌夏盧子駿湘父謹誌

區維屏建公敬書

潮連鄉志凡例

- 一、潮連向無鄉志。於吾鄉之歷史。紀載闕如。但有開必先。此作姑爲草創。
- 一、此志畧做馮棧宗九江鄉志之例。依其門類編載。惟稍有增減。其門類爲我鄉所無者。者缺之。爲我鄉所特有者則加入。
- 一、此志編輯之資料。先據新會縣林志彭志之關於潮連者錄出。或加以修飾。其次則采取譚鑣所著之新會鄉土志。其次則采訪陳盧區潘馬宋朱各姓之族譜。暨鄉人家譜之詳贍者。餘則考之各處之碑記。徵諸故老之傳聞。網羅放失。集成編。
- 一、書中各畧。均據實紀載。其遺聞軼事。或關於吾鄉掌故者。亦附於雜錄。
- 一、書志鄉事。主勸善不主懲惡。凡吾鄉善人。前賢美舉。俱樂部表彰。以資鼓勵。若其事屬惡德。及足以留惡感。啓爭端。有玷鄉譽者。概不紀錄。
- 一、本鄉氏族。有分支別處者。或雖已他徙。而其祠堂祖墳。尚在潮連者。則仍以同鄉論。光遠而自他有耀。亦取其顯者著於篇。
- 一、民國以來。縣邑改區。都圖甲戶。不復知名。然久已相沿。不能遽廢。茲所紀載。名號多仍其舊。
- 一、志內文字。有所根據者。則注明錄邑志。或錄某氏譜。或云某某人述。以明來歷。
- 一、乙酉正月初十日。編輯者曾通函本鄉各姓團體。請將其本族之世系。人物。坊里。祠壇。廟宇。科第。仕宦。耆壽。列女與夫名勝古蹟。遺聞軼事。詳細調查報告。以備擇錄。其後或有賜教。或未裁答。故紀載每有詳畧。閱者諒之。
- 一、預約認份諸君。例將其芳名份數。附載志末。以誌盛德。惟在鄉志印刷以後認份者。

則不及刊登。希爲原宥。

一、此次鄉志之成。得力於親友者甚夥。如區冕羣之詳示區譜。商訂文字。陳玉堂之述家風。陳世德展轉宣傳。廣勸預約。區朗若之撰寄小傳。表揚奇節。潘鶴騰之潘氏掌故。鉅細靡遺。陳俊卿陳鈞協之陳氏見聞。原原本本。而博聞強記如陳古若。顧問所資。躬親采訪如區子端。實事求是。與夫區袞公區建公之殷勤商榷。歷述舊聞。陳壽南初爲潮連草圖。袞公更爲詳繪。建公妙寫圖說。陳醒樵捐資製版。以此合成佳構。又如馬叙朝梁公俊之回念故鄉。臚陳世系。凡斯文獻之傳。皆足增光志乘。至於代理收股。不憚賢勞。在鄉則有盧康雲。在港則有盧兼騰盧勉余。廣州則有潘達庭盧仲華。上海則有陳顯初。澳門則有陳兆燮。又如潘日如陳仿林陳欣甫盧輯五陳鴻璧陳葆珠巷頭陳伯衡等之協力宣傳。討論印務。衆擎共舉。獲益良多。其餘同鄉諸君。時惠教言。藉以補助進行。補充資料者。尚不可勝數。若夫商量體例。指導方針。則家袞裳兄之賜教。實與我鄉諸君。同爲編者之良師益友。所爲永矢弗諼者。編者因人成事。自愧不文。而門人盧友生爲之造像。附於卷端。謂志景仰。此則尤爲滋愧耳。

善不積。不足以成名。惡不積。不足以滅身。小人以小善爲無益。而弗爲也。以小惡爲無傷。而弗去也。故惡積而不可掩。罪大而不可解。繫辭 潘日如錄

潮連鄉志自序

潮連一鄉。東西相距六里餘。南北相距五里餘。黑子彈丸。何足比數。雖然。在南宋咸淳以前。潮連僅一荒島。漁民蛋戶之所聚。蠻烟瘴雨之所歸。迨咸淳以後。南雄民族。展轉徙居。爾時雖爲流民。不過如鄭俠圖中一分子。然珠璣巷民族。大都宋南渡時。諸臣從駕入嶺。至止南雄。實皆中原衣冠之華胄也。是故披荆斬棘。易俗移風。而潮連始有文化焉。夫民族之富力。與文化最有關係。地球言文化。必以河流。粵省言文化。當以海坦。古世言文化。必以中原禮俗。現世言文化。必以瀕海交通。我潮連四面環海。屬西江流域。河流海坦。均擅其勝。以故交通便利。民智日開。宜乎文化富力。與日俱增。試觀各姓未來之前。其土著亦當不少。乃迄今六百年間。而土著不知何往。所留存之各姓。其發榮而滋長者。大都珠璣巷之苗裔也。省府州縣。均有志書。惟是範圍既廣。其於一鄉之掌故。語焉弗詳。竊思吳榮光有佛山鄉志。黎春曦馮棡宗先後纂九江鄉志。吾鄉鄉外海陳炬輝亦有龍溪鄉志畧之作。夫以潮連戶口之殷繁。人文之蔚起。其間山川風土。古蹟名勝。與夫科第仕宦。後先輝映。而遺聞軼事。可以昭法戒。資談柄者。亦復不少。豈能令其湮沒無傳耶。予嘗於宣統元年纂修蘆鞭盧氏族譜。於一姓之事實。記載頗詳。惟於同鄉各族之歷史。未能一一纂輯。心殊歉然。癸未冬。以寒假之暇。懷鉛握管。博訪周諮。而吾鄉父老昆弟。又能不吝教誨。故所得益多。數年之間。哀然成帙。嗟乎。予今年七十又九。居鄉之時少。而作客之時多。其於潮連故實。所識幾何。率爾操觚。豈不謬妄。惟以環顧吾鄉。老成凋謝。落落幾如晨星。及今不圖。恐後此考獻徵文。更復寥寥無幾。存什一於千百。是則著者之微意爾。侏儒問天高於脩人。脩人曰。不知。侏儒曰。君雖不知。猶近於我。以今日而較來者。不猶脩

人侏儒之例耶。若夫言之無文。行而不遠。此則學識所限。深自悚慚。吾鄉不乏通才。後之覽者。或將因是而擴充之。潤色之。俾此區區小冊。蔚爲大觀。將見潮連之歷史。益以璀璨焜耀。照映來茲。是則吾鄉之榮施。而尤編者之厚望也夫。

中華民國三十五年丙戌夏五

鄉人盧子駿湘父序於香港加冕臺三號

出入相友 守望相助

疾病相扶持 則百姓親睦

孟子語 區朗若敬錄



印承局務印英瑞林

涉水滌龍九港香

號八零一至六零一街局醫

二八八六五話電

潮連鄉志卷之一

輿地畧

山脈

河流

潮汐

氣候

風俗

物產

氏族

穀類	布類	果類	蔬類	木類	花類
草類	羽類	毛類	鱗類	介類	蟲類

蘆鞭盧氏	北廂盧氏	龍堂坊盧氏	大岡陳氏
芝山陳氏	巷頭陳氏	陳屋巷陳氏	坦邊潘氏
中巷潘氏	富岡區氏	方岳里區氏	牙尾區氏
甘邊馬氏	北廂李氏	彭邊梁氏	社邊宋氏
畹蘭里陳氏	大昌里孫氏	中巷鍾氏	曹巷曹氏
海頭何氏	山霞朱氏	雷灣李氏	社頭李氏



坊里	蘆鞭	巷頭	五圖	大岡	芝山	方岳里
社邊	中巷	碗蘭里	甘邊	龍堂坊	坦邊	
牙尾	海頭	雷灣	山霞	社頭		

崔子玉座右銘

母道人之短。 母說己之長。 施人慎勿念。 受恩慎勿忘。
 世譽不足慕。 惟仁為紀綱。 隱心而後動。 謗議庸何傷。
 毋使名過實。 守愚聖所藏。 在涅貴不緇。 曖曖內含光。
 柔弱生之徒。 老氏戒剛強。 行行鄙夫志。 悠悠固難量。
 慎言節飲食。 知足勝不祥。 行之苟有常。 久久自芬芳。

陳俊卿敬錄